

S. VIII. 33.

14
Exequiarum solennitati

Juvenis

Pietate, Moribus, Literis

Ornatissimi,

DIETERICI STADLAN-
DERI,


*Opt. Artium & SS. Theologiae Cultoris
studiosissimi;*

Nati STETINI, Anno CHRISTI 1623. die 7.
Novembris; denati ibid. Anno 1642. d. 4. Ja-
nuarij, ætatis suæ Anno 18. Mens. 2. human-
di in Æde Divo JACOBO sacra, d. 11.
ejusd. Januarij;

*Ut omnes & singuli in Illustri Padagogio Studiosi
Juvenes, frequentes & condolentes intersint,
atq. eo ipso Commilitoni quondam suo ultimum
honoris & caritatis officium præsent,
hortatur, vacante Rectoris
loco,*

M. HEINR. KIELMANNUS, ejusd.
Pædag. ConR. Gr. L. & Poës. Prof.

STETINI, Typis GEORGII GOETSCHII.





Aud inconcinnè Salomon Rex sapientis-
simus vitam humanam nubis ac nebu-
la, in aëre aggregata & coacta, rur-
susq; inde pulsa & fugata, vestigijs
comparat. Nam veluti nebula, aut nu-
bes, licet modò generata & exorta, non diu perma-
net, sed subito & opinione citius discussa resolvitur
ac perit, utpote res suâ naturâ inconstans & minimè
durabilis: ita etiam cum hac misera & arumnosa vi-
ta comparatum est, ut per se sit brevis & fluxa, fra-
gilis & caduca, imò & infinitis insuper fortune telis
exposita, adeò ut vel tunc, cùm maximè firmitatem
pollicetur & constantiam, saepe casu aliquo inopinato
& improvise enervetur & abrumpatur. Id quod eti-
am hoc tempore Juveni Ornatissimo & Doctissimo
DIETERICO STADLANDERO, Bonarum
Literarum & SS. Theologiae Studiofo, contigisse no-
vimus. Cùm enim is in primo aetatis flore constitutus
esset, inq; curriculo Studiorum apprimè laudabili jam
eos fecisset progressus, ut non modò dignus judicaretur
& idoneus, qui primo quoq; tempore ad Acade-

mias & loca illustria visenda ablegaretur, sed spes etiam de ipsius ingenio & eruditione in sublimiori Facultate esset excitata praeclara & singularis; ecce prae opinionem morbo opprimitur vehementi ac gravi, adeoque illius violentia debilitatur intra paucos dies, ut tandem exhaustis plane absumptisque viribus, in vera CHRISTI Redemptoris agnitione ex hac mortali & calamitosa vita discesserit.

Editus autem est & panaginis in hanc auram vitalem STETINI, Anno Christi 1623. die 7. Nov. intra horam 8. & 9. antemerid. Parentibus genere & virtute clarissimis: Patre nempe, Viro Spectatissimo, Prudentissimo & Honoratissimo, Dn. DIETERRICO STADLANDERO, Senatore inclitabujus Reipubl. primario & optimè merito: Matre verò, Matrona pientissima, omniumque decorum mulierum laudibus maximè conspicua, ANNA HENCKEN.

A parentibus hisce optimis & carissimis pie & liberaliter in doctrina Catechetica & morum honestate à teneris educatus: & quia illi felicissimo ingenio per gratiam & benedictionem Divinam ipsum praeditum videbant, maturè studiis ingenuarum literarum & artium ab iisdem addictus, & Viris eruditis atque industrijs in adibus privatis summà diligentia informandus, fidelissimè traditus & commendatus


datus est. Inter Praeceptores istos domesticos silentio
hic minimè praterendus est Vir Reverendus &
Clarissimus, Dn. M. SEBASTIANUS WOLF-
GANGUS HÖPFNERUS, Pastor nunc Eccle-
siae Stetinenfis ad Divi Johannis vigilantissimus:
sub cuius institutione privata noster o cu agnis tantum
profecit in linguis Latinâ & Gracâ, nec non in bo-
narum artium ac disciplinarum principijs, ut Anno
1640. circa festum Paschatos in Illustre hoc PÆ-
DAGOGIUM utiliter & eximia cum laude sua
introduceretur. Hic ergo tantâ ingenij contentione
studijs Philosophicis & Theologicis invigilare cœpit,
ut in lectionibus, disputationibus, declamationibus,
alijsq; utriusq; linguae & formae exercitationibus, di-
ligentiam suam omnibus & singulis in Pedagogio no-
stro docentibus, tam publicè quàm privatim abunde
probaret. Et quia S. S. Theologiae & Ministerio Ec-
clesiastico totum sese destinaverat atque dicaverat,
hinc & in sacris concionibus habendis cum hic tum
alibi jam exercere se solitus est. Qua verò cum gra-
tia & felicitate hoc etiam exercitij genus conjunctū
in illo fuerit, passim loquuntur ij, quos concionum
suarum auditores ipse habuit. Hi enim promptam
memoriam, linguam expeditam, vocis clare mode-
rationem, perspicuitatem & puritatem pronuntiati-
onis, aliq; divina ejusdem dona mirificè prædica-
runt

runt ac demirati sunt. Unum illud hoc tempore su-
pererat, quod in votis noster piè defunctus maximè
habebat, ut videlicet de consilio clarissimorum & do-
ctissimorum Virorum Academias celebriores adire,
& majores studiorum profectus assequi deinceps pos-
set. Quare Dn. Parentis, in Suecia hætenus com-
morati, iussu & præscriptum, per literas ejusdem
responsorias sibi explanandum, anxio cum desiderio
quotidie expectabat. At non passus est Dominus vi-
ta, rerumq; humanarum moderator & arbiter, diu-
tius eum in hoc labore corporis & contentione ani-
mi harere, sed ad quietem suavem, & Academiam
melioribus studijs & pulchrioribus exercitationibus
florentem evocavit. Nam die 21. Decembr. anni e-
lapsi 1641. Juvenis beatus malè habere cœpit, &
calorem persensit ardentissimum. Mox variolæ
magnâ copiâ abortis tam interiora quàm exteriora
corporis ita occupata fuerunt, ut fauces etiam omni-
no præstringerentur, nec quicquam cibi per eas as-
sumi admittive posset. Et licet media & remedia
convenientia in tempore adhibita fuerint, vis tamen
morbi humano auxilio & solertia expugnari baud-
quaquam potuit. Unde ipse etiam agrotus mortem
instare faciliè præagyt: ad quam strenuè devincen-
dam necessaria tela ex Verbi Divini armamentario,
iam antea sibi parata, deprompsit: die quoq; 2. men-
fis

sis bujus Jan. Pastori animæ ad se vocato ingenu-
am peccatorum confessionem edidit, & fiduciam
suam in unici Mediatoris sufficienti lytro positam
præclarè contestatus est; accepitq; viaticum illud
cœleste, quo instructus tenebricosam mortis januam
perrumpere, & ad æternæ vitæ gaudia penetrare
posset. Ab eo tempore preces pias continuè urfit, &
beatam ^{ἀνάλυσιν} cum Divo Apostolo Paulo ardenti-
bus gemitibus expetijt: cumq; vox paulatim jam de-
ficeret, nihilominus motu labiorum & manuum,
precum assiduitatem & instantiam manifestè osten-
dit. Interrogatus etiam, num memoriam Meriti
CHRISTI firmiter retineret; signò manu datò,
& pectore eadem percusso, animi devotionem & fi-
dem intus latentem satis evidenter aperuit. Ita tan-
dem inter vota & suspiria ista piè placideq; expi-
ravit die 4. dicti mens. horâ 1. pomerid. cum vi-
xisset annos 18. menses 2. Hic ergo tam pius &
placidus optimi Juvenis obitus consolari debet Paren-
tum hoc gravissimo casu consternatos animos. Et
quia talia nequaquam fortuitò contingere, sed beni-
gnissima DEL voluntate immitti intelligunt; facile ac-
quiescent, modumq; dolori, quamvis acerbissimo, sta-
tuent: ne filio invidere videantur eam felicitatem,
quam ipsi quotidie votis exoptant: ad quam nullus,
nisi per mortem piam, patere potest accessus.

Hæc

Hujus itaq; Ornatissimi Juvenis piè defuncti
corpus exanime cùm bodierno die ritu Christiano &
honorifico sit efferendum: Studiosos Juvenes univer-
sos & singulos sedulò hortamur, ut tempore & loco
consueto frequentes conveniant, nosq; in funus pro-
dituros comitatu decenti sequantur: qua in re, quod
ordinis nostri honor ac decus requirit, facient; &
dilectionem, suo quondam Commilitoni debitam, isto
humanitatis & pietatis officio declarabunt. Publ.
propos. anno & die, ut supra.





921116 Bibliotheca 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

